

«Күләш Байсейітова атындағы
Қазақ ұлттық өнер университеті»
ректоры


БЕКІТІЛДІ

« 17 »  2025 ж.  хаттама



**6B02154 «ДРАМА ТЕАТРЫНЫҢ РЕЖИССУРАСЫ» БІЛІМ БЕРУ БАҒДАРЛАМАСЫ БОЙЫНША
ШЫҒАРМАШЫЛЫҚ ЕМТИХАН ТАЛАПТАРЫ**

✓ **БАКАЛАВРИАТ**

Кафедра атауы	Білім беру бағдарламасының атауы	Топ	Мектептен н/е колледжден кейін қабылдау	Даярлық тобы	Шекті балл
«Драма театр актері және режиссура»	6B02154 «Драма театрының режиссурасы»	Қазақ	Жалпы орта н/е кәсіптік мектеп және колледж	Жоқ	95 грант және ақылы

ЖАЛПЫ ТАЛАП:

«Драма театрының режиссурасы» білім беру бағдарламасы бойынша жоғары оқу орнына түскісі келетін талапкерлердің жалпы орта білімі немесе арнайы ~~режиссура, актерлік өнер, суретші, музыка мамандықтары~~ бойынша кәсіби колледждің білімімен де тапсыруға мүмкіндігі бар. Талапкерлер өзінің театр өнеріне деген дарыны мен музыкалық, интеллектуалдық деңгейін көрсете білуі шарт. Талапкердің денсаулығында кемшіліктері болмауы тиіс.

БІРІНШІ ШЫҒАРМАШЫЛЫҚ ЕМТИХАН - режиссер экспликациясын жазу:

Емтихан барысында талапкер ұсынылған пьесалар бойынша, режиссура және драматургия жанрының теориялық ғылыми негіздеріне сүйене отырып, әлемдік немесе қазақ классикасының және заманауи драматургиялық шығармаларының озық үлгілерінен бір пьесаны таңдап, оны қалай сахналайтыны жайында режиссерлік экспликация жазуы қажет.

Пьесаның авторына анықтама беру:

Пьесаның тақырыбын, идеясын, жанрын, драмадағы тартысқа арқау болған алғашқы, басты, шешуші оқиғаларды анықтап жазады. Пьесадағы кейіпкерлердің мақсат-мүдделерінің қайшылығынан туындаған басты тартысты анықтап, оны тудырған басты себептерді драматург ұсынған деректерге сүйене отырып дәлелдеуі қажет. Қойылымның сахналық шешімін, кейіпкерлердің мінез-құлқын, сахналық образдарын, киім-кешегін, музыкалық көркемделуін, жарық, дауыс, декорциясы арқылы автордың айтар ойын жеткізуде, өзінің режиссерлік көзқарасында ашып жазуы қажет.

Режиссерлік шешім:

Талапкердің пьесаны қаншалықты терең түсінгендігін, оның болашақ қойылымының образдық бейнесін, айтар ойының бүгінгі күнмен қаншалықты үндесіп жатқандығын ашып көрсетеді. Талапкер өмір шындығы мен өнер шындығының ара-жігін ажырататын көрсете білуі керек.

Қосымша - Болашақ қойылымның жанрлық ерекшелігіне сай, қандай театрдың сахнасында қоятынын, қойылымында белгілі қандай актерлер ойнайтындығын, қандай композитордың музыкасын пайдаланатынын, қандай суретшісінің көмегіне жүгінетінін режиссер экспликациясында ашып жазуы керек.

ЕКІНШІ ШЫҒАРМАШЫЛЫҚ ЕМТИХАН - коллоквиум:

Емтихан барысы билет алу, сұрақтарға жауап беру арқылы өтеді. *(мамандыққа қатысты қосымша сұрақтар және тапсырмалар болуы мүмкін)*

Талапкер қабылдау комиссиясы ұсынған 30 билеттің біреуін таңдайды. Емтихан билеті 3 сұрақтан тұрады. Емтихан тапсырушы билет сұрақтарымен толық танысып, жүйелі түрде жауап беруі керек. Қабылдау комиссиясының шешімімен қосымша сұрақтар қойылуы мүмкін.

Әлемдік және қазақ драматургиясы, театр тарихы және бүгінгі таңдағы театр тынысы, әдебиет, музыка, кино, би, бейнелеу өнері қазақ халық композиторлары мен Қазақстан композиторларының шығармаларының өркендеп қалыптасу кезеңдері туралы

сұрақтар қойылып талапкерлердің білім деңгейі, ой-өрісі анықталады. Ойын жинақтап, жауап беруі үшін 8-10 минут уақыт беріледі.

Қосымша - талапкер қара сөз, поэзия, мысал, ән, би, музыкалық аспаптардың сүйемелдеуімен шығармалар орындап өнердің бар саласы бойынша өзінің мүмкіндігімен, бойындағы талантын көрсетуге мүмкіндігі бар.

ЕСКЕРТПЕ:

1. Емтихан барысында байланыс құралдарын (мобильді телефон, бейне-камералар, смартфон сағаттар т.б) пайдалануға рұқсат етілмейді.
2. Емтихан кезінде концертмейстер немесе көмекші құралдар (музыка жазылған флешкалар, музыкалық аспаптар т.б) пайдалануға мүмкіндігі бар.
3. Би және акробатикалық элементтерді т.б қимыл-қозғалысқа құрылған тапсырмаларды орындау барысында қауіпсіздік ережесін мұқият сақтау қажет.

Шығармашылық емтиханның бағалау критерийлері:

Бағалаудың балдық көрсеткіші I - шығармашылық емтихан	Бағалау критерийлері I - шығармашылық емтихан	Бағалаудың балдық көрсеткіші II - шығармашылық емтихан	Бағалау критерийлері II - шығармашылық емтихан
45-50	Талапкер драматургия жанрының ғылыми негіздеріне сүйеніп, емтихан талаптарын жақсы біліп, жоғары деңгейдегі дайындығын көрсете алса;	45-50	Билеттегі сұрақтарға толық жауап бере отырып, өзінің интеллектуалдық деңгейін, дүниетанымы мен эстетикалық талғамын көрсете білген жағдайда бағаланады;
40-44	Талапкер емтихан талаптарын орындауда өзіндік болмысын, өзіндік көзқарас, дүниетанымын толық жеткізе білсе;	40-44	Талапкер билетіндегі көрсетілген сұрақтарға өте жоғары деңгейде толықтай жауап бере алса;
35-39	Талапкер пьесадағы автор ойын толық түсінбесе, кейіпкерлердың қарым-қатынасын толық ашып жеткізе алмаса;	35-39	Талапкер билетіндегі көрсетілген сұрақтардың 80% жауап бере алса, сондай ақ қосымша қойылған сұрақтарға нақтылы жауап берсе;

30-34	Талапкер пьеса кейіпкерлерінің қарым-қатынасын ашудағы сахналық образ ерекшелігін толық ашып көрсете алмаса;	30-34	Талапкер билетіндегі көрсетілген сұрақтар мен қосымша қойылған сұрақтарға қанағаттанарлық деңгейде жауап бере алса. Емтихан тапсырып отырған саласы бойынша интеллектуалдық білім деңгейін толықтай көрсете алмаса;
25-29	Егер талапкер жазған жұмысында өзіндік ойын, қойылымындағы кейіпкерлердің адами болмысын, мінездерін толық ашып жеткізе алмаса;	25-29	Талапкер билетіндегі көрсетілген сұрақтар мен қосымша қойылған сұрақтардың 60% -на орташа деңгейде жауап берсе. Емтихан тапсырып отырған саласы бойынша интеллектуалдық білім деңгейін толықтай көрсете алмаса;
20-24	Егер талапкер шығарма авторының идеясын толық жеткізбесе және таңдалған музыка осы шығармада өз функциясын орындамаса;	20-24	Талапкер билетіндегі көрсетілген сұрақтардың 50% -не жауап бере алмаса, ал, қосымша қойылған сұрақтарға жүйелі, кең көлемде жауап бере алса;
15-19	Егер талапкер автордың айтар ойын, негізгі идеясын түсініп, шығарманың жанрын анықтай алмаса;	15-19	Талапкер емтиханға толық дайындықпен келмесе, билетіндегі көрсетілген сұрақтарға шашыраңқы, жауап берсе, қосымша қойылған сұрақтарға да толық жауап бере алмаса;
10-14	Егер талапкер пьесаның тақырыбын, идеясын, кейіпкерлердің мақсат, мүддесінен туындаған басты қайшылықтарды ашып көрсете алмаса;	10-14	Талапкер билетіндегі көрсетілген сұрақтарға толықтай жауап бере алмаса. Қосымша қойылған сұрақтарға нақтылай жауап бере алмаса, театр өнері саласы бойынша білім деңгейі төмен болса;
5-9	Талапкердің емтихан талаптарына сай дайындығы өте төмен болса;	5-9	Талапкер билетіндегі көрсетілген сұрақтарға толықтай жауап бере алмаса. Қосымша қойылған сұрақтарға толық жауап бере алмаса, театр өнері саласы бойынша білім деңгейі дүниетанымы төмен болса;
0-4	Талапкердің емтихан талаптарына сай дайындығы мүлдем болмаса;	0-4	Талапкердің емтихан талаптарына сай дайындығы мүлдем болмаса;

Байланыс ақпараты:

Шығармашылық емтиханның сұрақтары бойынша: theatrical_fka@mail.ru

Оқуға түсудің жалпы мәселелері: Kaznui.priem@gmail.com

Факультет деканы: Биримкулов Ернияз Рыскулович

Кафедра меңгерушісі: Маликова Асель Маликқызы